

## PROGRAMI I STUDIMEVE NË MJEKËSI VETERINARE

Programi i Studimeve në Mjekësi Veterinare synon të formojë profesionistë të kualifikuar dhe të përkushtuar, të gatshëm të kontribuojnë në ruajtjen dhe përmirësimin e shëndetit të kafshëve, njerëzve dhe mjedisit.

Ky program ofron një formim të plotë teorik dhe praktik, duke i përgatitur studentët për sfidat aktuale dhe të ardhshme në fushën e veterinarisë, shëndetit publik dhe kërkimit shkencor.

### Misioni i Programit

Misioni i përgjithshëm i Programit të Studimit në “Mjekësi Veterinare” është të edukojë mjekë veterinarë të nivelit të lartë, të cilët do t’i shërbejnë shoqërisë nëpërmjet përpjekjeve të tyre të vazhdueshme për:

- Përmirësimin e shëndetit dhe mirëqenies së kafshëve;
- Garantimin e sigurisë ushqimore;
- Mbrojtjen e shëndetit publik;
- Promovimin e zhvillimit të qëndrueshëm bujqësor dhe ekonomik.

### Formimi Akademik dhe Profesional

Programi ndërthur në mënyrë të balancuar njohuritë bazë biologjike dhe mjekësore me aftësi klinike dhe praktike. Studentët pajisen me përvojë në:

- Mjekësinë e kafshëve të vogla dhe të mëdha;
- Diagnostikimin dhe trajtimin e sëmundjeve infektive dhe jo-infektive;
- Menaxhimin e shëndetit në fermë;
- Bio-sigurinë dhe kontrollin e zoonozave;
- Asistencën në lindje dhe kirurgjinë veterinarë;
- Përdorimin e teknologjive moderne dhe pajisjeve diagnostikuese.

### Qasja “Një Shëndet” (One Health)

Duke u bazuar në konceptin bashkëkohor “Një Shëndet”, Fakulteti i Mjekësisë Veterinare në Tiranë promovon një qasje ndërdisiplinore ku mjekët veterinarë janë pjesë kyçe në garantimin e shëndetit të kafshëve, mbrojtjen e shëndetit publik dhe ruajtjen e ekosistemeve. Kjo filozofi i përgatit studentët për të punuar në bashkëpunim me mjekë human, biologë, epidemiologë dhe ekspertë të mjedisit.

## **Kontributi në Zhvillimin Kombëtar**

Programi synon të nxisë mbarështimin, mirëqenien dhe prodhimtarinë e kafshëve, duke ndikuar drejtpërdrejt në:

- Rritjen e sigurisë ushqimore;
- Rritjen e cilësisë së produkteve shtazore;
- Mbrojtjen e biodiversitetit dhe shëndetit të mjedisit;
- Rritjen e punësimit dhe zhvillimin e zonave rurale.

## **QËLLIMET E PROGRAMIT**

Ky program studimi synon të zhvillojë aftësitë dhe njohuritë e studentëve për t'u bërë profesionistë të kualifikuar në fushën e Mjekësisë Veterinare, me fokus në praktikat bashkëkohore dhe kërkimet shkencore. Në këtë kuadër, programi ka për qëllim:

- Edukimin e studentëve në njohjen dhe kuptimin e patologjive kryesore që prekin kafshët, duke përfshirë sëmundjet zoonotike me impakt të drejtpërdrejtë në shëndetin publik dhe mjedisin.
- Zhvillimin e kapaciteteve njerëzore në përdorimin e teknikave diagnostikuese të avancuara dhe inovative, që ofrojnë precizion në identifikimin dhe trajtimin e sëmundjeve të kafshëve.
- Përgatitjen e profesionistëve të aftë në kryerjen e ekzaminimeve klinike të detajuara dhe interpretimeve të anamnezës dhe shenjave klinike, duke integruar njohuritë teorike me praktikat më të mira në fushë.
- Thellimin e njohurive mbi metodologjitë e mbarështimit, përmirësimit gjenetik dhe ushqyerjes së kafshëve, duke promovuar zhvillimin e qëndrueshëm të prodhimit dhe mirëqenien e kafshëve.
- Zhvillimin e kompetencave në vlerësimin e masave të profilaksisë, higjienës dhe cilësisë së produkteve me origjinë shtazore, në përputhje me standardet ndërkombëtare të sigurisë ushqimore.
- Përgatitjen e specialistëve të aftë për të garantuar dhe monitoruar sigurinë ushqimore përgjatë zinxhirit ushqimor, duke përqafuar konceptin modern të “Një Shëndet” (One Health) dhe rolit të veterinarisë në shëndetin publik dhe mjedisor.

## **KOMPETENCAT E PROGRAMIT**

### **Kompetenca të përgjithshme akademike dhe analitike**

Studenti i diplomuar në këtë program do të jetë në gjendje të:

- Interpretojë saktë të dhënat klinike, imazhet diagnostikuese dhe rezultatet e analizave laboratorike.
- Zgjidhë situata komplekse duke u bazuar në aftësinë për të vlerësuar situatat klinike në mënyrë logjike dhe sistematike.
- Ofron ndihmë të shpejtë dhe adekuate bazuar në vlerësimin klinik të kafshëve.
- Realizojë skemat e ndryshme të vaksinimit sipas specieve.
- Interpretojë të dhënat statistikore bazë në studime klinike për epidemiologjinë.

### **Kompetenca profesionale dhe të specializuara**

Studentët do të jenë të aftë të:

- Zbatojnë parimet etike në mjekësinë veterinare, duke respektuar trajtimin human dhe mirëqenien e kafshëve.
- Realizojnë anamnezën dhe kontrollin e sistemeve të ndryshme të organizmit.
- Administrimin e anestezisë dhe kryerjen e procedurave kirurgjikale dhe mjekësore me përpikmëri dhe siguri.
- Kryejnë inseminimin artificial dhe përcaktojnë shtatëzaninë tek kafshët.
- Realizojnë inspektimin ante-mortem dhe post-mortem të kafshëve.
- Diferencojnë inflamacionin akut nga ai kronik.
- Dallojnë midis lezioneve lokale dhe atyre të përgjithshme.

### **Kompetenca ndërdisiplinare dhe të zbatueshme në tregun e punës**

Studentët do të jenë në gjendje të:

- Kuptojnë ndërlidhjen midis shëndetit të njeriut, kafshëve dhe mjedisit, në përputhje me qasjen “Një Shëndet” (One Health), duke bashkëpunuar me mjekë dhe profesionistë të shëndetit publik.
- Aplikojnë njohuritë veterinare për adresimin e rreziqeve nga pandemitë globale me origjinë nga kafshët.
- Marrin pjesë aktive në iniciativat e kontrollit të zoonozave, epidemiologjisë dhe biosigurisë, duke garantuar shëndetin e tufës.
- Menaxhojnë financiarisht bizneset veterinare duke balancuar kostot dhe fitimin.
- Marrin pjesë në grupe interesi ose komisione politike për hartimin dhe zbatimin e ligjeve dhe rregulloreve në fushën e veterinarisë.
- Ruajnë faunën e egër dhe mbrojnë biodiversitetin dhe ekosistemet përkatëse.

## STRUKTURA E PROGRAMIT

Programi i Studimit në “Mjekësi Veterinare” realizohet gjatë pesë viteve, duke garantuar një shpërndarje të saktë dhe të balancuar të ngarkesës mësimore. Programi fokusohet në shëndetin e kafshëve, i cili ndërlidhet ngushtësisht edhe me çështjet e shëndetit publik.

Gjatë dy viteve të para (paraklinike), studentët studiojnë lëndë themelore si: Anatomi, Histologji, Biologji, Kimikë, Fizikë, Fiziologji, Biokimi, Etologji, Botanikë, Biostatistikë, si dhe bazat e ushqyerjes dhe mbarështimit të kafshëve. Modulet e formimit të përgjithshëm mundësojnë zhvillimin e kompetencave gjatë punës teorike dhe praktike, njohjen me metodologjinë statistikore dhe definicionet në informatikën mjekësore, duke mundësuar përpunimin dhe prezantimin e të dhënave. Këto module studiojnë funksionet jetësore themelore të organizmit si tërësi, si dhe të organeve dhe indeve në veçanti, duke mundësuar kështu arritjen e njohurive themelore për kuptimin e proceseve fiziologjike dhe biokimike. Njëkohësisht, ato japin parimet bazë të metabolizmit dhe ofrojnë një vështrim të strukturës dhe funksionit të molekulave, si dhe proceseve të rëndësishme metabolike që ndodhin brenda qelizave.

Gjatë tre viteve të tjera, studentët fokusohen në module që studiojnë agjentët patogjenë, të aftë të shkaktojnë patologji, si mikrobe, viruse dhe parazitë, përmes lëndëve si Mikrobiologji, Virologji, Imunologji dhe Parazitologji. Njëkohësisht, studentët studiojnë patologjitë specifike sipas specieve, të cilat kanë qëllim formues dhe bazohen në vlerësimin e përgjithshëm të gjendjes klinike të kafshës gjatë kontrollit në lëndë si Propedeutikë, Sëmundjet e Derrave, Sëmundjet e Shpendëve, Sëmundjet e Njëthundrakëve dhe Sëmundjet e Kafshëve të Shoqërimit. Këto module synojnë vendosjen e një diagnoze të saktë klinike për përcaktimin e patologjive që mund të vërehen gjatë ekzaminimit klinik.

Në vitin e fundit, fokusi është te lëndët që lidhen me sigurinë ushqimore, duke vënë theksin në rolin parësor që ka mjeku veteriner në shëndetin publik. Në semestrin e fundit zhvillohet Praktika Profesionale, që përbën një komponent kyç të kurrikulës së programit të “Mjekësisë Veterinare”. Praktika synon t’u japë studentëve një përvojë praktike dhe bazë profesionale për përfundimin e studimeve, duke u realizuar në institucione dhe ambiente të ndryshme, si klinika veterinare private, ferma blegtorale, depo dhe farmaci veterinare, Instituti i Sigurisë Ushqimore dhe Veterinarisë, Agjencia Kombëtare e Veterinarisë dhe Mbrojtjes së Bimëve, si dhe Autoriteti Kombëtar i Ushqimit (AKU).

Praktika ofron mundësinë e përdorimit të kompetencave të fituara përgjatë kurseve teorike në një kontekst praktik profesional, dhe ka për qëllim aftësimin e studentëve me konceptet bazë dhe aplikimet klinike në veprimtarinë praktike.

## QASJA NDËRDISIPLINARE

Hartimi i këtij programi bazohet në ndërthurjen e kujdesshme të Lëndëve të Përgjithshme, Ndërdisciplinore/Integruese dhe Karakterizuese. Qasja ndërdisciplinore në Mjekësinë Veterinare fokusohet në ndërlidhjen e ngushtë midis shëndetit të njeriut, kafshëve dhe mjedisit. Ky program

gjithëpërfshirës siguron një formim adekuat përmes një qasjeje ndërdisiplinore, që synon zgjidhjen e problemeve komplekse të botës reale, si siguria ushqimore dhe parandalimi i zoonozave.

Për më tepër, për shkak të kompetencave ndërdisiplinore që fitohen, profesioni veterinar njihet si një pjesë kyçe e qasjes “Një Shëndet” — një koncept që përfshin bashkëpunimin ndërdisiplinor midis profesionistëve të sektorëve të ndryshëm, duke përfshirë mjekë, statistikanë, ekonomistë, ekspertë të mjedisit dhe publikun e gjerë.

Kjo qasje mbështet bashkëpunimin shumëpalësh midis profesionistëve të kujdesit shëndetësor, veterinerëve, ambientalistëve, shkencëtarëve dhe politikëbërësve, me qëllim adresimin e sfidave komplekse shëndetësore të kohës sonë.

## **PSE TË ZGJIDHNI KËTË PROGRAM?**

Fakulteti i Mjekësisë Veterinare përfaqëson qendrën unike të edukimit të specializuar, duke ofruar bazën për ndërtimin e një karriere profesionale të suksesshme në këtë fushë. Programi i Studimit në “Mjekësi Veterinare” është përshtatur sipas Direktivës 2005/36/EC dhe në përputhje me kornizën e Procesit të Bolonjës, duke siguruar një kurrikul të integruar dhe bashkëkohor.

Ky program ka për qëllim të pajisë studentët me njohuri dhe aftësi të avancuara në fushën e shëndetit të kafshëve dhe sigurisë ushqimore, duke i përgatitur ata për sfidat moderne të profesionit.

Programi i Mjekësisë Veterinare ofron mundësi të shumta punësimi, duke lejuar të diplomuarit të ushtrojnë profesionin si specialistë të pavarur apo të hapin klinika veterinare me potencial për të siguruar të ardhura të qëndrueshme dhe të kënaqshme.

## **MUNDËSITË PAS DIPLOMIT**

Diplomimi në Mjekësi Veterinare i hap studentëve një spektër të gjerë mundësish profesionale, si në sektorin publik ashtu edhe në atë privat, brenda dhe jashtë vendit. Të diplomuarit kanë përgatitjen e duhur për të ndjekur karrierë në:

- Klinika veterinare për kafshë të vogla dhe të mëdha;
- Ferma bujqësore dhe qendra të mbarështimit të kafshëve;
- Institucione shtetërore të kontrollit veterinar dhe shëndetit publik;
- Agjenci të sigurisë ushqimore dhe inspektorate veterinare;
- Laboratorë diagnostikues dhe kërkimorë;
- Organizata ndërkombëtare si FAO, WHO, OIE etj.;
- Sektori farmaceutik;
- Karrierë akademike dhe kërkim shkencor në universitete dhe institute kërkimore.

Për më tepër, programi ofron bazat e nevojshme për ndjekjen e studimeve të mëtejshme pasuniversitare në fushat e specializuara të mjekësisë veterinarë, shkencave biomjekësore, epidemiologjisë dhe menaxhimit të shëndetit publik veterinar.

## ∞ PARTNERITETET DHE BASHKËPUNIMET NDËRKOMBËTARE

Fakulteti i Mjekësisë Veterinarë zhvillon dhe forcon vazhdimisht partneritete strategjike me institucione akademike, qendra kërkimore dhe organizata profesionale në nivel ndërkombëtar. Këto bashkëpunime ofrojnë mundësi shkëmbimi akademik, projekte kërkimore të përbashkëta dhe zhvillim profesional për studentët dhe stafin akademik.

Përmes programeve si Erasmus+ dhe marrëveshjeve dypalëshe, studentët kanë mundësi të ndjekin studimet për një periudhë të caktuar në fakultete homologe në Bashkimin Europian dhe më gjerë, duke zgjeruar horizontet e tyre kulturore dhe profesionale.

Bashkëpunimi ndërkombëtar përmirëson cilësinë e mësimdhënies dhe kërkimit shkencor, duke lejuar adoptimin e praktikave më të mira dhe teknologjive bashkëkohore në fushën e mjekësisë veterinarë. Kjo qasje ndihmon në përgatitjen e profesionistëve kompetentë që janë gati për sfidat globale në shëndetin e kafshëve, sigurinë ushqimore dhe mbrojtjen e mjedisit.

## KURRIKULA E STUDIMEVE

### Program i integruar i ciklit të dytë (MSc) në “Mjekësi Veterinarë”

#### Viti I, Semestri I (1)

| Nr | Modulet                  | Kredite ECTS | Orë mësimore |                   |       | Kategoria |
|----|--------------------------|--------------|--------------|-------------------|-------|-----------|
|    |                          |              | në auditor   | studim individual | Total |           |
| 1  | Terminologji Mjekësore   | 3            | 29           | 46                | 75    | D         |
| 2  | Gjuhë e huaj             | 4            | 56           | 44                | 100   | D         |
| 3  | Kimi Inorganike          | 4            | 42           | 58                | 100   | A         |
| 4  | Hyrje në Anatomi         | 5            | 60           | 65                | 125   | A         |
| 5  | Bio. dhe Bio. Molekulare | 5            | 56           | 69                | 125   | A         |
| 6  | Histologji-Embriologji   | 5            | 56           | 69                | 125   | A         |
|    | <b>Totali</b>            | 26           | 299          | 351               | 650   |           |

#### Viti I, Semestri II (2)

| Nr | Modulet                | Kredite ECTS | Orë mësimore |                   |       | Kategoria |
|----|------------------------|--------------|--------------|-------------------|-------|-----------|
|    |                        |              | në auditor   | studim individual | Total |           |
| 1  | Histologji-Embriologji | 5            | 56           | 69                | 125   | A         |
| 2  | Kimi organike          | 4            | 42           | 58                | 100   | A         |
| 3  | Anatomi topografike    | 6            | 60           | 90                | 150   | A         |

|   |                      |    |            |            |             |   |
|---|----------------------|----|------------|------------|-------------|---|
| 4 | Biofizikë            | 5  | 56         | 69         | 125         | A |
| 5 | Sist bimë dhe kafshë | 8  | 70         | 130        | 200         | A |
| 6 | Inform. dhe Biostat. | 6  | 56         | 94         | 150         | D |
|   | <b>Totali</b>        | 34 | 340        | 510        | 850         |   |
|   | <b>Totali viti I</b> | 60 | <b>639</b> | <b>861</b> | <b>1500</b> |   |

#### Viti II, Semestri I (3)

| Nr | Modulet                   | Kredite ECTS | Orë mësimore |                   |       | Kategoria |
|----|---------------------------|--------------|--------------|-------------------|-------|-----------|
|    |                           |              | në auditor   | studim individual | Total |           |
| 1  | Virologji Imunologji Vet. | 6            | 57           | 93                | 150   | B         |
| 2  | Anatomi e Aplikuar        | 6            | 70           | 80                | 150   | A         |
| 3  | Gjenetikë                 | 3            | 42           | 33                | 75    | C         |
| 4  | Etolo. Mirëqënie kafshë   | 4            | 42           | 58                | 100   | C         |
| 5  | Fiziologji Veterinare     | 4            | 42           | 58                | 100   | B         |
| 6  | Biokimi Veterinare        | 4            | 42           | 58                | 100   | B         |
| 7  | Mikrobiologji Veterinare  | 4            | 42           | 58                | 100   | B         |
|    | <b>Totali</b>             | 31           | 337          | 438               | 775   |           |

#### Viti II, Semestri II (4)

| Nr | Modulet                  | Kredite ECTS | Orë mësimore |                   |             | Kategoria |
|----|--------------------------|--------------|--------------|-------------------|-------------|-----------|
|    |                          |              | në auditor   | studim individual | Total       |           |
| 1  | Fiziologji Veterinare    | 5            | 56           | 69                | 125         | B         |
| 2  | Biokimi Veterinare       | 5            | 56           | 69                | 125         | B         |
| 3  | Mikrobiologji Veterinare | 4            | 42           | 58                | 100         | B         |
| 4  | Higjienë Veterinare      | 5            | 70           | 55                | 125         | B         |
| 5  | Të ushqyerit e kafshëve  | 6            | 70           | 55                | 125         | C         |
| 6  | Zootekni                 | 4            | 42           | 83                | 125         | C         |
|    | <b>Totali</b>            | 29           | 308          | 417               | 725         |           |
|    | <b>Totali viti II</b>    | 60           | <b>645</b>   | <b>855</b>        | <b>1500</b> |           |

#### Viti III, Semestri I (5)

| Nr | Modulet                   | Kredite ECTS | Orë mësimore |                   |       | Kategoria |
|----|---------------------------|--------------|--------------|-------------------|-------|-----------|
|    |                           |              | në auditor   | studim individual | Total |           |
| 1  | Imazheri Veterinare       | 4            | 42           | 58                | 100   | B         |
| 2  | Met. shkenc. Shkrim Akad. | 1            | 15           | 10                | 25    | C         |
| 3  | Diagnozë Laboratorike     | 5            | 56           | 69                | 125   | C         |
| 4  | Patologji e përgj.        | 6            | 75           | 75                | 150   | B         |

|   |                            |    |     |     |     |   |
|---|----------------------------|----|-----|-----|-----|---|
| 5 | Farmak. e Farm. Klinike    | 2  | 28  | 22  | 50  | B |
| 6 | Propedeutikë Veterinare    | 5  | 56  | 69  | 125 | C |
| 7 | Sëm. Infek. e Epidemio     | 2  | 28  | 22  | 50  | B |
| 8 | Parazitologji veterinare I | 4  | 42  | 58  | 100 | B |
|   | <b>Totali</b>              | 29 | 342 | 383 | 725 |   |

#### Viti III, Semestri II (6)

| Nr | Modulet                     | Kredite ECTS | Orë mësimore |                   |             | Kategoria |
|----|-----------------------------|--------------|--------------|-------------------|-------------|-----------|
|    |                             |              | në auditor   | studim individual | Total       |           |
| 1  | Farmak. e Farm. Klinike     | 5            | 56           | 69                | 125         | B         |
| 2  | Propedeutikë Veterinare     | 5            | 56           | 69                | 125         | C         |
| 3  | Sëm. Infek. e Epidemio      | 7            | 70           | 105               | 175         | B         |
| 4  | Patologji e Veçantë         | 7            | 70           | 105               | 175         | B         |
| 5  | Parazitologji Veterinare II | 6            | 56           | 94                | 150         | B         |
| 6  | Lëndë me zgjedhje           | 1            | 14           | 11                | 25          | C         |
|    | <b>Totali</b>               | 31           | 322          | 453               | 775         |           |
|    | <b>Totali viti III</b>      | 60           | <b>664</b>   | <b>836</b>        | <b>1500</b> |           |

#### Viti IV, Semestri I (7)

| Nr | Modulet                   | Kredite ECTS | Orë mësimore |                   |       | Kategoria |
|----|---------------------------|--------------|--------------|-------------------|-------|-----------|
|    |                           |              | në auditor   | studim individual | Total |           |
| 1  | Iktiopatologji            | 6            | 70           | 80                | 150   | B         |
| 2  | Riprodhim i kafshëve      | 4            | 56           | 44                | 100   | B         |
| 3  | Kirurgji Veterinare       | 6            | 70           | 80                | 150   | B         |
| 4  | Sëmundjet e Ripërtypësave | 4            | 56           | 44                | 100   | B         |
| 5  | Sëm. kafshë shoqërimi     | 4            | 56           | 44                | 100   | B         |
| 6  | Sëm. njëthundrakë         | 4            | 56           | 44                | 100   | B         |
|    | <b>Totali</b>             | 28           | 364          | 336               | 700   |           |

#### Viti IV, Semestri II (8)

| Nr | Modulet                   | Kredite ECTS | Orë mësimore |                   |       | Kategoria |
|----|---------------------------|--------------|--------------|-------------------|-------|-----------|
|    |                           |              | në auditor   | studim individual | Total |           |
| 1  | Riprodhim i kafshëve      | 5            | 56           | 69                | 125   | B         |
| 2  | Kirurgji Veterinare       | 6            | 70           | 80                | 150   | B         |
| 3  | Sëmundjet e Ripërtypësave | 5            | 56           | 69                | 125   | B         |
| 4  | Sëm. kafshë shoqërimi     | 5            | 56           | 69                | 125   | B         |
| 5  | Sëm. njëthundrakë         | 4            | 42           | 58                | 100   | B         |

|   |                            |    |            |            |             |   |
|---|----------------------------|----|------------|------------|-------------|---|
| 6 | Inspektim prod. shtazore I | 6  | 70         | 80         | 150         | B |
| 7 | Lëndë me zgjedhje          | 1  | 14         | 11         | 25          | C |
|   | <b>Totali</b>              | 32 | 364        | 436        | 800         |   |
|   | <b>Totali viti IV</b>      | 60 | <b>728</b> | <b>772</b> | <b>1500</b> |   |

**Viti V, Semestri I (9)**

| Nr | Modulet                     | Kredite<br>ECTS | Orë mësimore  |                      |       | Kategoria |
|----|-----------------------------|-----------------|---------------|----------------------|-------|-----------|
|    |                             |                 | në<br>auditor | studim<br>individual | Total |           |
| 1  | Inspektim prod. shtazore II | 6               | 70            | 80                   | 150   | B         |
| 2  | Toksikologji Veterinare     | 5               | 56            | 69                   | 125   | B         |
| 3  | Legjislacion Mjek. Ligjore  | 5               | 70            | 55                   | 125   | C         |
| 4  | Sëmundje Derrash            | 5               | 58            | 67                   | 125   | B         |
| 5  | Sëmundje Shpendësh          | 5               | 58            | 67                   | 125   | B         |
| 6  | Sëmundje kafshë të egra     | 3               | 42            | 33                   | 75    | B         |
| 7  | Lëndë me zgjedhje           | 1               | 14            | 11                   | 25    | C         |
|    | <b>Totali</b>               | 30              | 368           | 382                  | 750   |           |

**Viti V, Semestri II (10)**

| Nr | Modulet                       | Kredite<br>ECTS | Orë mësimore  |                      |             | Kategoria |
|----|-------------------------------|-----------------|---------------|----------------------|-------------|-----------|
|    |                               |                 | në<br>auditor | studim<br>individual | Total       |           |
| 1  | Praktikë Profesionale         | 15              | 0             | 375                  | 375         | D         |
| 2  | Teza e Diplomës               | 15              | 0             | 375                  | 375         | E         |
|    | <b>Totali</b>                 | 30              | 0             | 750                  | 750         |           |
|    | <b>Totali viti V</b>          | 60              | <b>368</b>    | <b>1132</b>          | <b>1500</b> |           |
|    | <b>Totali (I+II+III+IV+V)</b> | 300             | 3044          | 4456                 | 7500        |           |